

盤

山

志



卷九

盤山志卷之七

流寓

虞虞墓哭



盤之宜於隱固矣而漢唐以還鴻冥鳳逸之士寡  
寡無幾豈前此地處荒僻其人韜光葆真不欲顯  
跡人世故記傳多未之及耶

聖主咨訪遺賢寄懷邁軸安知南山之南北山之北不  
有匿姓氏於漁樵耕牧中甘作

盛世之逸民不令此山作終南捷徑者尚期物色及之  
一為鼓幽蘭之操也

盤山志

卷之七

古時代無考

田盤先生自齊來棲遲此山

漢

田疇字子泰

陶詩  
作春

無終縣人董卓遷漢帝於長安時

幽州牧劉虞聞疇奇士署為從事遣問行在疇循

間道至長安致命詔拜騎都尉疇以天子蒙塵不

可荷佩榮寵辭不受得報還虞已為公孫瓚所戕

疇謁虞墓哭泣返命瓚怒收疇疇不為屈瓚壯之

疇得北歸率宗人入徐無山中從而徙者五千餘

家疇為約束興學校期月道不拾遺建安十二年  
曹操討烏丸將其眾為鄉導論功封亭侯辭後拜  
議郎終不能奪其志

曹操表論田疇云文雅優備忠武又著和於撫下  
慎於事上量時度理進退合義幽州始擾胡漢交  
萃蕩析離居靡所依懷疇率宗人避難於無終山  
北拒盧龍南守要害清靜隱約耕而後食人民化  
從咸供資奉及袁紹父子威力加於朔野遠結烏  
丸與為首尾前後召疇終不陷撓後臣奉命軍次

易縣疇長馳自到陳討胡之勢猶廣武之建燕策  
薛公之度淮南又使部曲持臣露布出誘胡眾漢  
民或因亡來烏丸聞之震蕩王旅出塞途由山中  
九百餘里疇率兵五百啓導山谷遂滅烏丸蕩平  
塞表疇文武有效節義可嘉誠應寵賞以旌其美  
又令曰脩令田疇志節高尚遭值州里戎夏交亂  
引身深山研精味道百姓從之以成都邑袁賊之  
盛命名不屈慷慨守志以徼真主及孤奉詔征定  
河北遂服幽都將定胡寇時加禮命疇即受署陳

建攻胡蹊路所由率齊山民一時向化開塞導道  
供承使役路近而便令虜不意斬蹋頓於白狼遂  
長驅於柳城疇有力焉及軍入塞將圖其功表封  
亭侯食邑五百而疇懇惻前後辭賞出入三載歷  
年未賜此為成一人之高甚違王典失之多矣宜  
從表封無久留吾過

陳壽田疇傳云田疇字子泰右北平無終人也好  
讀書善擊劍初平元年義兵起董卓遷帝於長安  
幽州牧劉虞歎曰賊臣作亂朝廷播蕩四海俄然

莫有固志身儻宗室遺老不得自同於衆今欲奉  
使展效臣節安得不辱命之士乎衆議咸曰田疇  
雖年少多稱其奇疇時年二十二矣虞乃儻禮請  
與相見大悅之遂署為從事具其車騎將行疇曰  
今道路阻絕寇虜縱橫稱官奉使為衆所指名願  
以私行期於得達而已虞從之疇乃歸自選其家  
客與年少之勇壯募從者二十騎俱往虞自出祖  
而遣之既取道疇乃更上西關出塞傍北山直趨  
朔方循間徑去遂至長安致命詔拜騎都尉疇以

為天子方蒙塵未安不可以荷佩榮寵固辭不受  
朝廷高其義三府並辟皆不就得報馳還未至虞  
已為公孫瓚所害疇至謁祭虞墓陳發章表哭泣  
而去瓚聞之大怒購求獲疇謂曰汝何自哭劉虞  
墓而不送章報於我也疇答曰漢室衰頹人懷異  
心唯劉公不失忠節章報所言於將軍未美恐非  
所樂聞故不進也今將軍方舉大事以求所欲既  
滅無罪之君又讐守義之臣誠行此事則燕趙之  
士將皆蹈東海而死耳豈忍有從將軍者乎瓚壯

其對釋不誅也拘之軍下禁其故人莫得與通或  
說瓚曰田疇義士君弗能禮而又囚之恐失衆心  
瓚乃縱遣疇疇得北歸率舉宗族他附從數百人  
埽地而盟曰君仇不報吾不可以立於世遂入徐  
無山中營深險平敞地而居躬耕以養父母百姓  
歸之數年間至五千餘家疇謂父老曰諸君不以  
疇不肖遠來相就衆成郡邑而莫相統一恐非久  
安之道願推擇其賢長者以為之主皆曰善因僉  
推疇疇曰今來在此非苟安而已將圖大事復怨

雪恥竊恐未得其志而輕薄之徒自相侵侮愉快  
一時無深計遠慮疇有愚計願與諸君共施之可  
乎皆曰可疇乃為約束相殺傷犯盜諍訟之法  
重者至死其次抵罪二十餘條又制為婚姻嫁娶  
之禮興舉學校講授之業班行其眾眾皆便之至  
道不拾遺北邊翕然服其威信烏丸鮮卑並各遣  
驛使致貢遺疇悉撫納令不為寇袁紹數遣使招  
命又即授將軍印因安輯所統疇皆拒不當紹死  
其子尚又辟焉疇終不行疇嘗忿烏丸昔多賊殺

其郡冠蓋有欲討之意而力未能建安十二年太  
祖北征烏丸未至先遣使辟疇又命田預喻指疇  
戒其門下趣治嚴門人謂曰昔袁公慕君禮命五  
至君義不屈今曹公使一來而君若恐弗及者何  
也疇笑而應之曰此非君所識也遂隨使者到軍  
署司空戶曹掾引見諮議明日出令曰田子泰非  
吾所宜吏者即舉茂才拜為禱令不之官隨軍次  
無終時方夏水雨而濱海洿下滯滯不通虜亦遮  
守蹊要軍不得進太祖患之以問疇疇曰此道秋

夏每常有水淺不通車馬深不載舟船為難久矣  
舊北平郡治在平岡道出盧龍達於柳城自建武  
以來陷壞斷絕垂二百載而尚有微徑可從今虜  
將以大軍當由無終不得進而退懈弛無備若嘿  
回軍從盧龍口越白檀之險出空虛之地路近而  
便掩其不備蹋頓之首可不戰而禽也太祖曰善  
乃引軍還而署大木表於水側路傍曰方今暑夏  
道路不通且候秋冬乃復進軍虜候騎見之誠以  
為大軍去也太祖命疇將其眾為鄉導上徐無山

出盧龍歷平岡登白狼堆去柳城二百餘里虜乃  
驚覺單于身自臨陣太祖與交戰遂大斬獲追奔  
逐北至柳城軍還入塞論功行封疇亭侯邑五  
百戶疇自以始為居難率眾遯逃志義不立反以  
為利非本意也固讓太祖知其至心許而不奪後  
拜為議郎年四十六卒

王嘉拾遺記云田疇北平人也劉虞為公孫瓚所  
害疇追慕無已往虞墓設鷄酒哭之音動林壑翔  
鳥為之悽鳴走獸為之悲吟疇卧於草間忽有人

通云劉幽州來欲與田子泰言疇神悟遠識知是  
虞之魂既進而拜疇泣不自止因相與進鷄酒疇  
醉虞曰公孫瓚購子甚急宜竄伏避害疇對曰君  
臣之道生則盡其義今見君之靈願得同歸九泉  
骨且不朽安可逃乎虞曰子萬古之高士也深慎  
爾儀奄然不見而疇醉亦醒

古仙人辭夢入雲山宮闕幽鸞鷺同侶鴛鳳流桂  
月竟夜光不收世俗擾擾成囂湫醉飛星馭鞭金  
虬八仙浪跡追真游龜玉筌蹄二十秋摩霄注壑

盤山志

卷之七

七

須人求覓劍如或笑刻舟陽燧非無角綺儔元鼎  
以來虛崑邱東井徒勞冠帶脩松冷竹飲度蜃樓  
崧頂坐嘯垂直釣祇應慙愧劉幽州

雷淵題古仙人辭云興定庚辰夏六月望予與元  
好問趙郡李獻能同遊玉華谷又將歷崧前諸剎  
因憇於少姨廟元周行廊廡得古仙人辭於壁間  
然其首章直屋漏雨為所漫剝殆不可辯乃磬木  
石而上拂拭汎滌迫視者久之始可完讀觀其體  
則柏梁事則終始二漢字畫在鍾王之間東井又



元鼎所都幽州必賢宗子虞也夫眷眷不忘幽州者非吾田疇尚誰歟田復所事之讐郤曹瞞之賞哀俗波蕩中挺挺有烈丈夫風氣其死而不忘蓋無疑其能道此語亦無疑觀者不應以文體古今之變而疑仙語也噫仙山靈岳宜有闕衍博大之真人往來乎其間而世人莫之識也予三人者乃今見之夫豈偶然哉再拜留迹以附知音者末黃天全田疇論甚矣處亂世之難也身負濟世之具矣暴得大名不祥宜必擇主而事然仁者未必

武而英雄或有邪心將沉晦以自全乎寇盜蠶起旦夕叵測伊欲身名俱全誠未易為策也子春弱齡應劉虞之辟獻表漢帝以羣雄惟虞為正耳反命而虞已斃於公孫瓚疇何以為心哉哭墓焚詔氣誼凜然瓚脅以威卒不為屈去而隱於徐無山既忠且智矣居數月徙而從者五千餘家彼固知田生之雄略良足以庇之也疇為約束興學校期月而道不捨遺鮮卑遣使問餽此豈可以聲音笑貌致之哉又數年烏丸張甚操討之不克疇為略

教之竟殲烏丸而復誓不為操用賢於荀彧遠矣  
方孝孺田疇贊云古之觀人不於用舍考其所存  
以第高下譬如龍駒垂首糞車豈以其賤斥之為  
鴛齊侯千駟如南面王仲尼之嘆夷齊有光漢季  
分爭得國者操吾獨何為田疇是悼操雖據國犬  
鼠之雄殺后無君天下不容奚若田疇忠義蓋世  
委質劉虞身死靡貳使受之命為漢大臣殺操復  
漢必不顧身烏乎鄙夫惟利是就誰能為疇我與  
為友

明

李孔昭字光四薊州人崇正癸未進士以天下將亂  
不赴廷對甲申聞都城變白衣冠哭田間者三歲  
喪妻不再娶或勸之輒不答獨奉老母入盤山一  
子尚幼僮僕廬舍悉棄去躬自樵采往來水村山  
市間形蹤數變易無識者或晨炊乏母呵責輒伏  
地痛哭母為感動山中人觀者皆泣某中丞慕其  
名遣吏持書幣往迎徧走山中遇負薪者呼問若  
識李進士耶負薪者張目曰汝問阿誰吏具道其

意負薪者遙指其處吏尋至室空矣訪之鄰叟笑曰若面失之向所見負薪者即是也吏再求卒不得戊戌春梁公玉立有薊門之役訪光四於州吏又登盤山叩老僧皆云光四無定居往來盤山僧寺為多梁公低回久之留一詩付山僧而去

梁清標訪李光四不遇詩憶昔看花傍帝畿十年避戈羨鴻飛登山欲問桐江叟風雨冥冥冷釣磯宋瑩桃花寺弔李處士詩幽絕招提境嘉名自昔云陽厓疎樹暝大壑亂淙聞日暖催紅杏堂空養

盤山志

卷之七

十

國朝

白雲鹿裘邈何許猿鶴尚思君

崔應魁永平人居柳河屯少游心於醫人有疾醫藥不論直皆盡心焉晚歲學道法名德茂下上盤山十八年以參究為事康熙戊辰秋示微疾徧告常所往來者期日訣別至期衆問疾環坐談笑如平日久之乃曰萬事無常百年有限依我行之決不相誤索筆書偈而逝其偈曰來去赤條條不挂一絲毫本來無一物縱橫任逍遙

李鐔字鐵君號着山奉天鐵嶺人以門功當襲職病  
不就好佳山水晚卜築蘿村課耕穫以食地居廡  
峰之陰又自號廡青山人山人通敏工詩古文詞  
精力尤殫於經史著述甚富年七十卒生前自築  
壙於山居之旁

永寧石氏號東村長白山人家素貴顯壯歲折節讀  
書奉母孝母沒移居田盤作山居詩以見志與李  
鐔為世外交一廬山南一耕山北藤杖棕屨相遇  
窮嶮陔壑間無間風雪桐城方苞為作二山人傳

盤山志

卷之七

十一

載其跡甚詳

方苞二山人傳廡青山人李鐔遼東鐵嶺人曾大  
父如梓明寧遠伯成梁兄子也萬歷己未鐵嶺城  
未陷死其官入

國朝三世皆盛貴伯叔父兄弟或嗣封爵都統禁軍或  
開府建鉞布列中外康熙四十一年父少司寇蒲  
陽公卒時西事方起議絕漠屯極邊山人既練自  
請興屯黑河踰年歸母卒再使南河賜七品冠帶  
李乃盡以先世產業屬二昆移家潞河潛心經史凡

六七年隣里未得一識其面嘗遊盤山樂其土風  
買田廡峰下構草舍雜山畦以耕其尤貧者授之  
田而無所取疏材果實與衆共之其聲遠聞邦工  
每採山石過廡峰歎無擾焉暇時行遊四山必挈  
爐炭瓶罌樵蘇者遙望而知所在曰此李山人茶  
煙也白山石東邨聞其風而慕之東村名永寧世  
饒於財祖都圖為

聖祖親臣每議公事不撓於權貴山人少豪舉好聲色狗

馬年三十始折節讀書會家事屯邇時伯兄既沒

盤山志

卷之七

十一

而諸弟皆幼獨出身當之家既落奉母居郭東墾  
墓田以養盡無斗儲遇無食者即罄之久之里中  
有奇衮咸懼其聞母兄沒移家盤山與着山遊每  
嚴冬大雪携手步西潭以杖扣冰相視愉怡見者  
咸詫而不知其何以然會功令禁內府人出居近  
畿復挈妻子入城僦屋授經自活乾隆元年舉孝  
廉方正詣有司力言弱足難為儀衆莫能奪也廡  
青舉博學宏詞及試亦被絀廡青之詩不丐於古  
而必求與之並東村則即事抒指儵然有真意或



盤山志卷之八

方外一

昔人稱山中草木叢茂居民鮮少故非肥遯不悔  
與一瓢一鉢寄跡方外者不能久茲岑寂諒矣夫  
闡拈花之真諦衍面壁之宗風法燈智炬久與佛  
日並照自寶積以下或把茅久住或飛錫行化道  
風高峻者歷舉得若干人黃冠寡落僅足傳白雲  
一派至若空巖枯坐灰頭土面之倫名蹟淪晦不  
敢傳會以傳也

盤山志

卷之八

釋四十一人

唐

寶積生緣姓氏未詳參馬祖因於市肆行見一客人  
買猪肉語屠家曰精底割一觔來屠家放下刀又  
手曰長史卽箇不是精底師於是有省一日出門  
見人昇喪歌卽振鈴曰紅輪決定沉西去未審靈  
魂往卽方幕下孝子哭曰哀哀師身心踊躍歸舉  
似馬祖祖印可之後住盤山寶積寺上堂云心若  
無事萬法不生意絕元機纖塵何立道本無體因

體而立名道本無名因名而得號若言即心即佛  
今時未入元微若言非心非佛猶是指蹤極則向  
上一路千聖不傳學者勞形如猿捉影又上堂云  
心月孤圓光吞萬象光非照境境亦非存光境俱  
忘復是何物禪德譬如擲劍揮空莫論及之不及  
斯乃空輪無迹劍刃無虧若能如是心心無知全  
心即佛全佛即人人佛無異始為道矣又上堂云  
禪德可中學道似地擎山不知山之孤峻如石函  
玉不知玉之無瑕若如此者是名出家故導師云  
法本不相礙三際亦復然無為無事人猶是金鎖  
難所以靈源獨耀道絕無生大智非明真空無迹  
真如凡聖皆是夢言佛及涅槃並為增語禪德直  
湏自看無人替代又上堂云三界無法何處求心  
四大本空佛依何住璿璣不動寂爾無言覲面相  
呈更無餘事珍重師將順世告衆曰有人貌得吾  
真否衆將所寫真呈皆不契師意普化出曰某甲  
貌得師曰何不呈似老僧化乃打勍斗而出師曰  
者漢向後掣風顛去在乃奄化



僧掩室開寶積頌山舍無塵分外清石榴花發透  
簾明槐陰滿地日卓午夢覺流鶯時一聲

愚谷困頌依依楊柳欲藏鴉社後東風捲落花理  
策邀朋何處好山南山北看桑麻

妙峰善寶積見屠家割肉有省頌江邊送客上扁  
舟相對漁翁暗擲釣一掣錦鱗隨手上遠山疊疊  
水悠悠

海印信寶積聞歌聲悟道頌哀哀聲裡便承當畢  
竟靈魂往邨方踊躍自然全體現始知徧界不曾

盤山志

卷之八

三

藏

北磻簡又頌薤露淒涼亦可憐白楊丹旆去翩翩  
哀哀聲裡無消息打著南邊動北邊

師範又頌紅輪決定沉西去未審靈魂往邨方哭  
慟一聲無處避檣頭親見本耶娘

宗杲寶積向上一路頌不傳不然海口難宣須彌  
頂上駕起鐵船

智暹又頌千聖不傳向上路擬思舉步隔天淵雨  
催山色來眉際風送溪聲到耳邊

彥充心月孤圓頌光非照境境非存光境俱忘復  
是痕滿地落花風掃盡依前流水遶孤村  
松源岳又頌描不成兮畫不成卧龍長怖碧潭清  
擬心湊泊終難會達者應須暗裡驚  
文禮寶積似地擎山頌山忘孤峻玉忘瑕到處仙  
源是我家堪笑葛洪曾未悟遠從勾漏問丹砂  
重顯三界無法頌三界無法何處求心白雲為蓋  
流泉作琴一曲兩曲無人會雨過夜塘秋水深  
慧懃又頌青青入座當軒竹黯黯遮門對面山更

有一般堪羨處夜深流水響潺潺

本覺一又頌三界無法何處求心日明夜暗山高  
水深三界本因心所現無心三界自平沉  
智暹又頌沼碧楓紅山翠輕隆冬天氣寐難成怕  
寒正坐燒松火隔樹啼鷓三兩聲  
雪菴瑾普化貌真頌徹底冰壺無影像倒翻觴斗  
模難成千峰雨歇黃梅後桂魄還從海上生  
寶葉源又頌清竒古怪娘生面妙筆丹青作麼施  
者廝十分傳得似依然畫虎只成狸

普化不知何許人師事實積密受記莈而佯狂出言無度暨寶積順世乃於北地行化或城市或冢間振一鐸曰明頭來明頭打暗頭來暗頭打四方八面來旋風打虛空來連架打一日臨濟令僧捉住曰總不恁麼來時如何化拓開曰來日大悲院裡有齋僧回舉似濟濟曰吾從來疑著者漢凡見人無高下皆振鐸一聲或將鐸就人耳邊振之或拊其背有回顧者即展手曰乞我一文錢嘗於闌闌間搖鐸唱曰覓箇去處不可得時道吾遇之把住

問曰汝擬去甚麼處化曰汝從甚麼處來吾無語化掣手便去濟初開堂化首遣贊佐一日同濟赴施主齋次濟問毛吞巨海芥納須彌為復是神通妙用是法爾如然化趯倒飯牀濟曰太麓生化曰者裡是甚麼所在說麓說細次日又同赴齋濟復問曰今日供養何似昨日化又趯倒飯牀濟曰得即得太麓生化喝曰瞎漢佛法說甚麼麓細濟乃吐舌咸通初將示滅乃入市謂人曰乞我一箇直裰人或與披襖或與布裘皆不受振鐸而去濟令

人送與一棺化笑曰臨濟廝兒饒舌便受之乃辭  
衆曰普化明日去東門死也郡人相率送出城化  
厲聲曰今日葬不合青烏乃曰明日南門遷化人  
亦隨之又曰明日出西門方吉人出漸稀出已還  
返人意稍怠第四日昇棺出北門外振鐸入棺而  
逝郡人奔走出城揭棺視之已不見惟聞空中鐸  
聲漸遠

善昭普化明頭來明頭打頌老倒分明兩路差箭  
鋒相拄勿歪袞龍蛇混雜人難辯烈日長空下雪

盤山志

卷之八

六

花

佛智裕又頌高堂公子醉雙陸亂撒明珠發異光  
一擲輸贏誰辯得滿盤骰子不成雙

文禮又頌以此振鈴伸召請旋風連架打將來大  
悲院裡邏齋去肘露皮穿可怪哉

東山源普化乞直裰頌撮得虛空作近隣便於北  
斗裡藏身者掠虛漢何多事猶把空棺誑後人

道宗俗姓田千牛將軍賓庭之後元和九年甲午於  
燕庭金閣寺受戒聞盤山寶積大師往詣參承後

嗣永泰大師太和二年戊申屆盤山峰頂居焉咸  
通七年丙戌三月化緣時畢說偈靈脫  
知宗上方寺道宗大師遺行碑記師諱道宗俗姓  
田唐千牛將軍賓庭之後元和九載師年弱冠於  
燕庭金閣寺受戒禮志敬寺如琳為師聞盤山寶  
積大師直指心要往詣參承後至永泰大師所與  
師契合謂師曰薊門舊里田盤靈山可構淨居師  
蒙指教驚喜難名太和二年屆盤山峰頂多逢獸  
跡莫面人蹤境類虎谿地蟠龍腹師止棲處所如

在四禪柏茶半觔稻米數斗二年所食一半猶存  
皎月銀河借為燈燭松風石溜指作笙簧息煩皸  
於塵塗瑩戒珠於巘岫曾遊絕岳墜地無傷山現  
蓮池龍降香水猛虎每蹲於坐側巨蛇長遶於階  
前一上雲嶺兩更歲華偶因樵采之夫始見住持  
之跡初傳鄉里漸達州邦千里風聞四衆雲集方  
伯太尉相國清河張公仲武遙瞻道德渴想音徽  
專飛簡草特有招辟師以松蘿誓節雲水堅懷三  
十九年不下棲隱侍中清河張公允伸大闡釋風

遠欽道行頻馳清奉累降尺書命建豐碑以崇盛  
德咸通七年莫春之月師化緣時畢說偈整衣悄  
然靈脫至咸通九年茶毘於靈壇獲舍利數千塔  
於寺之東南隅

常實繼道宗住上方感化稱伏虎禪師今有伏虎塔  
在上方塢院

曉方常熟人從五洩山靈默大師雜髮不言姓氏結  
茅甘泉山咸通十一年三月十日告寂塔寺之西

南隅

盤山志

卷之八

八

郎肅甘泉普濟禪院靈塔記性相湛然是無來去  
光陰飄忽故有悲哀無常必見於有常生滅期歸  
於寂滅遺光尚在過隙難追則有躬侍梵筵心傳  
法寶極追攀於痛悼盡愛敬於師資鏤字支提用  
彰先覺故甘泉禪院大師諱曉方蘓州常熟縣人  
也師事五洩山靈默大師姓氏經遊未之嘗言故  
莫詳悉其於慈悲以濟物勇猛以化人橫身塞河  
決之波舉手正山崩之勢碎裂魔網高張法雲得  
岬拋舟不師文字上天燒尾別剌風雷方岳公侯

連城守宰偃風渴道靡不歸依牽迷手於正歸破  
石心於難舍三獸極淺深之渡百草滋甘露之芽  
皇哉巍乎則置院之碑詳矣咸通十一年三月十  
日遷神於此山報齡七十七僧夏五十八嗟乎歷  
陽陷兮柏梁蕪九鼎沉兮□山圻乃千乃百哭盈  
庭山慘雲愁淚成血□□日兮人失目椎臆頓頭  
皆慟絕世尊當殤□□羅空有閣維禮容設余即  
聞風企仰臨紙□□以師之形則遷流委順矣以  
師之神則圓明清淨矣以師之法則一燈然百千

盤山志

卷之八

九

燈矣故門人法順等悉心勤力肇建靈龕於院西  
南一百步盤龍山首焉以明年□月日遷神坐於  
是山日往月來懼移高岬人亡地在是紀色絲比  
金玉而彌正擬蘭蓀而可久後之人觀斯文而知  
其行則姬公謚法得其一端者耶唐咸通十二年  
歲次辛卯閏八月十三日大德長五十八存獎俗姓孔本鄒魯闕里之裔孫也以祖父官隸於  
蘄籍蘄州師七歲於盤山甘泉院依止禪大德曉  
方剝落大中五年具戒尋參臨濟為侍者既而徧

歷諸方至三聖為首座又至大覺為院主備載諸  
禪錄中乾符二年乙未幽州節度使董廓請師止  
歸盤山未果乃於魏府南甌門外泐江西禪院開  
法演化於文德元年七月十二日告寂享齡五十  
九僧臘四十一弟子藏暉行簡奉遺命於龍紀元  
年八月二十二日就本院閣維得舍利千餘粒建  
塔於府南貴鄉縣薰風里公垂億撰師塔碑  
公垂億魏州故禪大德獎公塔碑盖聞妙諦惟元  
不可以一理測真詮至奧不可以諸相求隨萬化

而泯色空故不生不滅超三界而越塵垢故無去  
無來此乃不思議者其惟西方釋迦牟尼佛之謂  
乎伏自教傳西域化被中原漢明推入夢之祥梁  
武顯施身之願語其大也外不見須彌之廣言其  
小也內不知芥子之微斯乃梵壘覆然代代相付  
肇自摩訶迦葉迄於師子尊者統為二十四代而  
後菩提達摩降於漢土至能秀分之為六而後芭  
披葉附派別脉分其真宗不泯不滅者則我大覺  
大師固有係焉和尚姓孔字存獎家本鄒魯即闕



里之裔孫也乃祖乃父因官隸於薊門歷祀既深  
籍因編入和尚以無量劫中脩菩薩行及茲降世  
豈同凡倫當衣采之妙齡蓄披緇之大志未踰七  
歲即悟三乘啟白所親懇求剃落遂於薊州盤山  
甘泉院依止禪大德曉方乃親杖履就侍餅盂豈  
顧全身惟思半偈大中五年伏遇盧龍軍節度使  
張公奏致壇場和尚是時戒相方具而後大中九  
年再遇侍中張公重啟戒壇於涿郡衆請和尚以  
六踰星紀三統講筵宣金石之微言示玉毫之真

相禪大德元公者即臨濟大師也和尚一申禮謁  
得奉指歸傳黃檗之真詮授白雲之祕訣所為醜  
翻味爽乍灌頂以皆醒蒼藟花香纔經手而分馥  
一旦旋辭舊刹願歷諸方西自京華南經水國至  
於攀蘿冒險踏石眠雲經吳會興廢之都盡梁武  
莊嚴之地無不追窮聖迹探討禪宗後過鍾陵伏  
遇仰山大師方開法宇大啟禪扃赴地主之邀迎  
會人天之供施面陳奧義衆莫能分和尚立以剖  
之如刀解物仰山目眙擊指稱歎再三遽聞臨濟

大師已受蒲相蔣公之請纔擬侍飛錫而遽及中  
條尋參隨致林疑作置杯而將渡白馬當道先大尉中  
令何公專發使人迎請臨濟大師和尚翼行不信  
宿而至於府下乃命止於觀音寺簪裾繼踵道俗  
連肩曾未期年時至遷化斯盖和尚服勤道至展  
敬情深無乖靈堵之儀克盡茶毘之禮云乾符二  
年有幽州節度押兩蕃副使檢校秘書御史中丞  
賜紫金魚袋董廓及幽州臨壇律大德沙門僧惟  
信并涿州石經寺監寺律大德弘聚等咸欲指陳

盤嶺祈請北歸和尚欲狗羣情將之薊部晨詣衙  
庭啟述行邁先時中丞韓公之叔曰贊中遽聞告  
去撫掌大驚乃曰南北兩地有何異也魏人何薄  
燕人何厚如來之教豈如是耶和尚辭不獲已許  
立精舍韓公之叔常侍及諸檀信鳩集財貨卜得  
勝槩在於南甌門外通衢之左成江西禪院規制  
一如化城松栴將杞柏俱來文石與砥硃薦至重  
廊複道竹翠松青四戶八窻風輕月朗和尚樂茲  
幽致用化羣迷開解脫門演無量法致使天花散

地水月澄空嘗與四衆人天皆臻法要六州士庶  
盡結勝因豈因一念俱尸奄從物化斯乃文德元  
年七月十二日也享齡五十九僧臘四十一有親  
信弟子藏暉行簡一以主喪一以弘法大德奉先  
師之遺命於龍紀元年八月二十二日於本院焚  
我真身用觀法相闔城禪律繼踵爭來四達簪裾  
連肩悉至於是幡花蔽日螺唄喧天火纒發而雲  
自愁薪不加而風助勢三日三夜號禮如斯於香  
爐之中得舍利一千餘粒諸大德各各作禮請分

供養焉嗚呼雪巽如故真儀宛然捧一履以徒悲  
仰雙林而莫見遂建塔於府南貴鄉縣熏風里附  
於先師之塔志也億到職之初曾獲瞻禮法主大  
德藏暉不以億才業庸淺具聞我公相請撰文億  
秉筆惕然得盡蕪鄙銘曰傳如來教厥惟大雄百  
千劫外方丈室中慈悲是念色相皆空端然不動  
豈染塵蒙一矯跡三界安心四禪身雖是假道本  
無邊璞內有玉火中生蓮傳法何處隨其有緣其二  
越絕支遁匡廬遠公高情遠致跡異心同既離邪

縛肯處凡籠松軒竹徑空悲夜風其我性不動我心就然果得舍利粒粒珠圓播花豔閃螺唄交連唱偈作禮聲徹梵天四其寶刹新建招提舊蹤蓮芳不見蔥嶺誰遙響亮朝磬清冷夜鐘歷千萬祀傳我禪宗五其

瞿汝稷指月錄云後唐莊宗車駕幸河北回至魏府行宮詔師問曰朕收中原獲得一寶未曾有人酬價師曰請陛下寶看帝以兩手舒幪頭腳師曰君王之寶誰敢酬價帝大悅賜紫衣師號師皆不

受乃賜馬師乘馬忽驚墜傷足師喚院主與我做箇木拐子主做了將來師接得遶院行問僧曰汝等還識老僧麼僧曰爭得不識和尚師曰跌腳法師說得行不得又至法堂令維那聲鐘集眾師曰還識老僧麼眾無對師擲下拐子端然而逝  
天童覺君王之寶頌中原之寶呈興化一段光明  
難定價帝業堪為萬世師金輪影御四天下  
閒極雲又頌君王寶自難酬價興化何魯敢借看  
天地既無私蓋覆至今留得鎮中原

智朴按師生於唐文宗太和四年庚戌出家於開  
成元年丙辰圓具於宣宗大中五年辛未入滅於  
僖宗文德元年戊申指月錄載後唐莊宗詔對等  
語逆數莊宗同光元年癸未至文德戊申師去世  
已三十六年矣豈復有詔對之說詔對之說恐是  
僖宗典籍紀載之譌耳故正之

志閒潛脩盤山黑塔峪久之參臨濟濟驀胸搗住閒  
曰領領濟拓開曰且放你一頓又參末山尼了然

禪師問如何是末山山曰不露頂閒曰如何是末

盤山志

卷之八

十五

山主山曰非男女相閒喝曰何不變去山曰不是  
神不是鬼變箇甚麼閒乃服膺作園頭三年後出  
世住鄂州灌谿僧問久嚮灌谿到來只見漚麻池  
閒曰汝只見漚麻池要且不見灌谿僧曰如何是  
灌谿閒曰劈箭急

秀巖瑞灌谿領領雨散雲收後崔嵬數十峰倚  
闌頻顧望回首與誰同

克文灌谿末山主頌末山不露凌雲頂今古峇堯  
在目前又道本無男女相非君莫辯火中蓮

遼  
非覺俗姓劉氏析津良鄉人有大名聞車駕幸燕重  
師道德詔入內說法特賜紫衣併賜號儀範大師  
春秋七十二僧臘四十七示化大昊天寺歸葬甘  
泉普濟寺

非濁字貞照號純慧俗姓張氏范陽人嬰足疾遯跡  
盤山敷課於大白傘蓋每宴坐誦持常有山神部  
從敬侍尋克瘞復遂於重熙八年召赴闕

真延佛頂尊勝陀羅尼幢記京師奉福寺懺悔主

盤山志

卷之八

十六

崇祿大夫檢校太尉純慧大師之息化也附靈塔  
之巽位樹佛頂尊勝陀羅尼幢廣丈有尺門弟子  
狀師實行以記為請大師諱非濁字貞照俗姓張  
氏其先范陽人重熙初禮故守大師兼侍中圓融  
國師為師居無何嬰足疾乃遯匿盤山敷課大白  
傘蓋每宴坐誦持常有山神敬侍尋克瘞八年冬  
有詔赴闕興宗皇帝賜以紫衣十八年勅授上京  
非管內都僧錄秩滿授燕京管內左街僧錄屬鼎湖  
上仙驛徵赴闕今上以師受眷先朝乃恩加崇祿

大夫檢校太保次年加檢校太傅太尉師搜訪關  
章聿脩睿典撰往生集二十卷進呈上嘉贊久之  
親為序引尋命龕次入藏清寧六年春鑿輿幸燕  
回次花林師侍坐於殿面受燕京管内懺悔主菩  
薩戒師明年二月設壇於本寺懺受之徒不可勝  
紀九年四月示疾告終於竹林寺即以其年五月  
移窆於昌平縣司空幽國公仰師高躅建立寺塔  
并營是幢庶陵壑有遷而音塵不泯清寧九年五

月日

盤山志

卷之八

十七

等偉俗姓李氏析津龐村人太康元年剃落禮儀範  
大師為師從師住慧濟寺受戒宣充三學殿主賜  
號嚴慧後示疾而終茶毘舌根不燼如青蓮色

南拈甘泉普濟寺嚴慧大德塔記銘乾統七年春  
燕京三學寺殿主嚴慧大德賜紫沙門等偉痼疾  
作始夏疾有加徙居右街福田寺卧於西廡之一  
室余往問焉師以不起語余且有事付託四月旬  
七日遷逝余又往弔焉後二日茶毘於京北原及  
叔骨舌根不燼如青蓮色其徒京西慧濟寺僧敬

詮等願以甍灰分葬因析少分與之餘盡歸於剷  
州盤山甘泉普濟寺從其本教以五月十一日附  
於先師塋所而塔焉是月初本寺都知僧敬度持  
首座大衆三綱等狀具師遺行來謁余曰故殿主  
大德平生交好縉紳間無最厚者師之行跡知者  
蓋少公與師平生交好最厚師之行跡信之久矣  
又於師寢疾時親來問及有所付託是敢以文請  
余既與師有舊又逼嚮之所請不克以事辭因以  
實而志之師俗姓李氏燕京析津縣龐村人太康

元年師年二十有五始剃落禮甘泉普濟寺右街  
僧錄判官儀範大師非覺為師後從師住慧濟寺  
即受戒具既而肄習經律二學咸推之大安中住  
福田寺暨薊之香林蘭若衆請住持師至則歷典  
寺任事因克濟壽昌三年宣昆尼諸部於慧濟寺  
京師義學輩亦以律主許之會明年三學寺奉命  
慎擇主寺事者以師勤幹塞其選尋授善濟大德  
師力整頽弊宏益居多在寺三載供費之外有錢  
五千餘貫乾統初有司以課最聞朝廷嘉之特賜



紫方袍加號慈辯三年宣充三學殿主易其號曰  
嚴慧六年秋染疾至是而終俗壽五十七僧臘三  
十夏夫人之舍家入於浮圖氏而汨其法者往往  
懈惰以墮事宴安以敗名未見力行自任而有所  
立者若師者勤以集事幹以著名與夫懈惰宴安  
以坐取墮敗者遠矣嗚呼其力行自任而有所立  
也歟既為之記又繫之以銘云塋有地墓有時全  
而歸之曰嚴慧師師哉師哉勤幹有立勉諸後學  
無怠承襲乾統七年丁亥五月

金

廣溫高安人姓韓氏幼童超卓不甘處俗卅歲出家  
受經於習法師時夜有小寇竊物師聞之堅卧不  
動翌日習責之曰物為他人所盜寧無悔耶師曰  
我也彼亦人也物有所歸又何憾焉習竒之後  
叅同昌英公英弗納廬於巖谷間草衣木食者三  
年英異之乃許問道又參雲門晦堂及竹林廣慧  
慧曰據從來明暗兩歧依他作解須當棄卻我者  
裡有箇鐵酸躑從頭一一齧嚼看師頓首謝曰既

往不咎乃取篋筒中祕文火之一日頓悟如桶底脫法性圓通無不了然慧印許之出住盤山雙峰寺大定戊子夏示疾而化

圓新范陽六城村人得法於龍泉英公大定壬午住盤山報國寺次住天成次住法興後示疾感化謂遠侍者曰吾當翌日行脚去索浴淨髮至夜分復謂遠曰黎明西北有聲湏當報吾至時果符其語聲類鐘磬方報師師已脫去茶毘後舌齒不灰

行通姓張氏雲中天德人出家近泉寺遇恩具戒後

盤山志

卷之八

二十

叅雲孫辯公蒙印證出住仰山又住甘泉未幾而逝

圓照甘泉普濟寺通和尚塔記洞山垂範冢範肅齊遞代相承不容忝竊必待其極可者方許以嗣續焉雲孫辯公先參鹿門覺和尚許為吾宗再來人次侍芙蓉潮楷老後方領眾青社天寧時會本朝撫定來都城所居奉恩華嚴萬壽等寺皆為成就從來遊師之門學師之道何啻百千其間得堪傳授者止八人師其一也師法諱行通俗姓張氏

雲中天德人甫五歲不茹葷腥匪妄言笑常遊寺  
宇見聖像一一作禮父母憐之俾依同里近泉寺  
雲懿者德為徒遇恩具戒護持愈勤一日本師緣  
有所忤欲行捶責以手舉杖移時不能下人咸異  
之至年十八乃自奮曰迅速光陰何當得悟見性  
成佛之理未幾辭師徧參知識天會中聞辯老唱  
法燕都特來參侍後從辯老至仰山言下透脫尋  
印證為洞宗第十一世皇統中辯老入滅師繼住  
持數十載凡事無鉅細悉依佛制至大定四年六

盤山志

卷之八

二十一

月師以年老謝事雲遊道經三河何公道院次年  
甘泉寺疏請住持一日忽謂衆曰人生百歲七十  
還稀吾已六十有九矣忝續祖道至於今時宜當  
順世以示無常怡然而化茶毘日頗多異相何公  
仰山洎本寺析骨為三分各建塔藏之甘泉壇在  
寺之正北高阜去寺僅三十步大定五年八月望  
日述  
法律薊州安固人姓張氏出家普濟寺年十七試經  
圓具皇統中奉宣開普度壇度僧尼十萬餘衆屢

承天眷欽賜紫衣號嚴肅大師大定六年辭衆而逝

沙成之甘泉普濟寺賜紫嚴肅大師塔銘師諱法律薊州醴泉鄉安固人也幼出家於甘泉普濟寺禮均上人為師於天慶七年十七歲試經受具足戒厥後聽習戒律為宗迨天眷三年官定充燕京左街淨垢寺遂授善慶大德牒皇統二年奉宣開啟普度壇度僧尼二衆約十萬餘人八年又奉宣赴本宗上試十題所答無不中理選定充平州三

學律主改授精正大德牒官講滿特賜紫嚴肅大師牒本寺大衆共議署狀請為提點供濟衆僧不避寒暑六時行道未嘗或闕方十載餘令聞四溢請住寺者五中都駐蹕福田福勝香河勝福當山香水迄大定二年宮中復差請充都下煥湯院提點設濟饑民三年已備於六年六月十五日告寂世壽六十八僧臘五十二是時雖暑氣煩溽其尸安然若石之不轉比茶毘四衆千餘人弔送無不哀慟洎終殯之際有五色雲圍繞於上齒舌不壞

視之如故蓋師生平住持力也門人宗律比丘善  
隆等奉遺骨葬於寺西叙始末屬余作銘義不可  
辭銘曰性資上智宗律為風清高厲行紫牒庇躬  
傳戒十萬僧尼溥蒙宣題奉試理無不通化辦濟  
衆久而愈恭熾之祥見齒舌弗鎔勒銘幽石聊記  
芳蹤大定七年三月日

圓覆住翁同西院時有異僧授佛牙二具鮮白如珂  
月覆承事二十餘年後示寂遺命建塔藏佛牙而  
瘞骨於塋下

盤山志

卷之八

二十三

孫設翁同山院舍利塔記竊聞舍利者佛之真骨  
也雖烈燄百煉不能成灰污津久湮不能掩彩至  
堅至確動有殊異者何也蓋以佛之功德法力所  
熏故也迄今仍有存者覆公法師靈塔是也師法  
諱圓覆俗姓李氏燕都渤海人也方剛時作守門  
綱官至保義校尉遂住漁陽之西逮大會中予告  
歸沉潛故里問道於翁同西院削髮衣褐隨緣化  
道乾統二年二月間遇恩具戒給得度牒恭禮香  
林西堂柔光為師後住翁同西院重脩上院府君

祠并觀音殿金碧宏麗甲於幽薊一日有數僧不知何來手授佛牙二顆炫明鮮潔瓊珠流溢而師朝莫設敬數僧倏然而沒於是珍藏二十餘載大定甲午四月初九日謂門弟子曰白駒易過幻化匪堅一切有為終歸寂滅又曰余宿珍藏佛牙及般若金經當於上寺之西誅蕪構塔以安其上余骨即置其下又曰生死無常各宜珍重語訖就枕奄然而逝春秋八十有五僧夏三十有三其弟溫公素與僕善祝之再四不能辭據實而書之大定

九年三月十五日

等俊薊州河村人少慕僧門嬾居俗室父母察其志確攜赴甘泉寺禮儀範大師覺公為師後為燕京管內左街僧錄大夫賜號圓肅大師加清簡二字半載告寂天會十四年建塔甘泉普濟寺

澄方香河孫氏子幼好靜默出家於隆安寺十八登具徧歷講肆於諸經論無不了然講演之名藉甚後棄教歸宗悟明心地尋有奉山尊宿請住上方蘭若脩感化寺又脩絕頂浮圖嘗示衆曰涅槃經

云避役出家無心志道我當罷令還俗為王策使  
慚恥之服是為上服不知慚愧非佛弟子後示疾  
而終門人士隆建壇上方寺東麓

淨榮德州張氏子精勤好道利生為懷住中盤法興  
寺諸山請為提點遠近聞風靡不歸依一日謂眾  
曰光陰有限慎勿怠墮語畢而逝

知玲雲中范氏子九歲薙髮二十圓具叅嵩山少林  
英公悟總持法得他心通皇統中出世萬壽寺後  
住盤山感化寺宏揚密教大定十七年說偈告寂

盤山志

卷之八

二十五

十六年...  
二十圓具叅嵩山少林  
英公悟總持法得他心通皇統中出世萬壽寺後  
住盤山感化寺宏揚密教大定十七年說偈告寂  
曰光陰有限慎勿怠墮語畢而逝  
管帶...  
西陽門入士劉...  
漸...  
去...

盤山志卷之九

方外二

元

祥邁字如意悟證出羣辯才無礙至元中奉皇帝敕

撰辯論錄五卷附藏流通

圓悟賑不知何許人得法東山本無元公孤藤隻鉢

至盤山脩報國寺延祐五年戊午聞於朝賜號契

宗禪師

雲威號巢雲太谷侯氏子幼業儒有名譽及壯下髮

盤山志

卷之九

雲參玉山達公承印證出住盤山法興寺

圓讓北少林寺雲威禪師塔記李肇國史補曰崔

趙公問徑山法指月錄欽道人弟子出家得否欽

曰出家乃大丈夫事非將相所能為也趙公歎賞

其言余謂抗力雪霜平步雲霄興丈夫事鄙將相

并為威公禪師斯其人也原其里河東太谷戴邨人

雲威名也侯其姓也幼業儒高才博識有令譽方

不壯歲一旦棄家舍業下髮被褐習最上乘了第一

盤山義工巧農賈不以為辱師範人天不以為榮嘗同



羣公長老謹弟子禮朋遊講肆慧辯出倫聞玉山  
博達公講席之盛走謁依之為入室之列俾主堂  
司怡懋海衆光弼叢林有雲峰悅之規度中統間  
都總統少林大宗師事屆玉山一語相得驛負之  
燕一居萬壽職主藥藏雖脩鬻冗擾無日不叅鉗  
錘日久重膺子印是時盤山法興虛席命師立僧  
接武明年新巢雲軒仍以巢雲自號宣政院使脫  
公為之外護具奏朝廷特旨慰祐更法興為北少  
林寺師嘗謂脫公曰知人惟難人實難知其難

盤山志

卷之九

二

者千中無一師開法主席居止無怠檀門德仰寺  
政謹嚴至正戊子秋八月二十三日以微疾告終  
小師智感賚師行實乞余記余曰師之德行學業  
家知戶曉豈待余文哉牢辭弗果因直述之至正  
九年己丑四月日

幸安初至靈石山參達光二老有得後謁本無元公  
於海山蒙付囑入滅偈曰昔年廊下萬緣空脫體  
忘依絕照功罷釣收絲歸去後桂輪孤朗任西東  
塔甘泉寺西

永暉河間史邨人姓史氏禮章安和尚出家升雲孫  
之堂又造木菴之室後出世住甘泉寺賜號圓照  
大師至正十四年甲午入滅有偈曰吾壽七十七  
今朝萬事畢推倒人我山十寸元一尺

明理臨潼蘭店王氏子依永暉和尚落髮謁寒翠滿  
公不契而去時西府慧公住真覺師往參承頓徹  
向上機鋒迅利慧曰今日得箇金毛獅子遂以衣  
拂付之奉旨住甘泉普濟寺後示寂說偈曰挂錫  
甘泉三十年殷勤常住似頭然而今擦手燕山外

盤山志

卷之九

三

雲散長空月自圓時至正二十七年丁未

田謙明理禪師塔銘者箇禪師真純道業秦地降  
生燕山示滅一點靈光大千照徹法嗣甘泉宗承  
先哲洞嶺法源嵩巘正訣水映長天蘆花帶雪皓  
月澄澄清風烈烈無縫塔成光明皎潔妙工其何  
大巧若拙一時拂卻更無可說

明

祖能字蘊空號松軒道人三河孫氏子生於永樂壬

庚午四月六日幼惡葷羶或戲以肉但合掌而已九

歲出家師香林如菴翁後住京師依可堂善公又  
至汴洛香山禮洞宗二十一代天龍潭公傳付心  
法仍還香林重新殿宇後退居白巖自號白巖叟  
不與縉紳貴遊者交獨與太守姚公叔謙善一日  
謙往謁至峻峽步入石齒齧足躓而毀肩了無愠  
色師平生事恬退以道自任成化丙戌十月二十  
日示寂歸葬本寺西北隅可堂公骨塔東側  
德聚號寶峰姓趙氏金陵人祖謫成玉田為玉田人

童丕時常於空中見樓閣隱隱之狀後於盤山少

盤山志

卷之九

四

林寺出家參大雲興公正統丁巳詣吳下具戒庚  
申回都內監劉公順捨私宅為梵刹英廟賜名法  
華命師主之天順壬午復上盤山脩感化寺工竣  
聞於朝賜名廣濟成化己丑仍歸少林老馬  
柯潛寶峰德聚禪師行實碑記禪師名德聚號寶  
峰俗姓趙金陵世家祖謫成順天府之玉田遂為  
玉田人永樂癸巳母夢黃光彌戶遂生禪師人多  
異之及長有老衲見而指之曰此兒骨相不凡將  
來光大法門享安樂福未可限也甫五歲時嘗於

空中見樓閣隱隱之狀及十歲父母捨送薊之盤山少林寺出家從母舅隨公宣德戊申聞僧錄右街大雲興公邃於道宣廟寵渥極盛屢書褒獎名重天下往師之參究公案講求宗旨夙夜孜孜服勞不懈正統丁巳飛錫吳下受戒具而還庚申御馬監太監劉公順以私第請為梵刹英廟賜名法華命禪師主之禪師即以脩舉為己任攻苦澁淡竭力為之不出堂室不謁權貴而殿堂廊廡煥然完具由是法益振教益流譽望益隆學徒益盛而

老衲之言於斯始驗矣天順壬午遊盤山慨然歎曰吾少時於此往還今已踰半百矣况感化為魏晉古刹燬於兵燹久不能復吾徒錄錄於世而無益於教也乃捐已資兼募眾緣以圖興建三年而崇臺廣殿歸焉煥焉庀福廩庾高明宏麗像設莊嚴咸臻精妙漁陽之人莫不舉手加額以為神助事聞於上賜名廣濟命同師弟白巖森禪師主之成化己丑復愛少林谿澗紫迴峰巒秀麗實早年發躬之地不忍忘其本源悉倒橐傾囊脩其敝廓

其規東作觀音堂西作明月堂中作方丈左右僧  
舍以備游憩傷因龍池作竹塢蔬圃以俟優老誠  
一方之壯觀也其徒文擴等求紀禪師之行勒石  
垂後嗟夫禪師瑰璋蹕絕刺厲勤篤道東魯之書  
傳西來之意縉紳大夫鉅縉老衲咸禮重之又能  
不忘其本汲汲致力於所發身之地其立志用意  
可謂宏且確矣宜乎起人之敬而成功之遠故余  
不徒紀其精脩之行而又書其興作之盛以昭示  
後人成化八年辛卯十一月

盤山志

卷之九

六

圓成平谷大王務黃氏子未出家時夢中見盤山聖  
境遶塔禮像合掌念佛後投金臺大慈恩寺落髮  
參大虛滿公立限三年脇不沾席尋受春谷苑公  
印證賜字大舟付一偈曰妙高峰頂無根本刊作  
澄潭般若舟運轉往來生死海肯停櫓棹住中流  
弘治十七年至盤山絕頂大作佛事

祖允字性空薊州吳氏子生有手疾七歲不能語父  
母許出家禮靈隱勝公為師甫及寺見勝即語眾  
異之命名雜髮精勤進脩勝公歛膺住持有年一

日謂衆曰老僧與爾長別矣各守清規勿流庸下  
聽吾偈曰吾年七十本來無物末後一著青天白  
日偈畢而逝  
常慧字古燈未詳氏族住西甘澗淨土菴不事誦讀  
日惟危坐一榻人與之錢即辭大司馬劉公名與  
語心甚竒之贈以緞帛卻不受萬歷戊寅十二月  
廿四日徧告於常所往來者曰擾勞衆信吾三日  
後行矣至廿七日無疾脫去享年八十

德清號憨山萬歷癸酉夏至盤山千像寺後石巘內

盤山志 卷之九

見一隱者灰頭土面山作禮絕不顧問亦不應山  
知非常人亦同默坐少頃隱者燒茶唯取一杯自  
飲山亦取一杯同飲飲茶竟隱者還茶具於原處  
端坐如故山亦如之少選隱者炊飯飯熟置坐前  
唯取一盃一箸自食山亦取一盃一箸同食飯罷  
又端坐如故山亦如之入夜隱者出巘外經行山  
亦隨之明日山知茶時烹茶飯時炊飯隱者同山  
飲啜經行亦爾如是一七隱者方問曰仁者何來  
山曰南方來隱者曰來此何為山曰特訪隱者隱

者曰隱者面目如此別無奇特山曰進門早已勘  
破了也隱者笑曰我住此巖三十餘年今日始遇  
一箇同風留山住山亦忘返一夜山經行忽然頂  
門響一聲轟如乍雷山河大地身心世界豁然頓  
空境非尋常歸巖中具陳所得隱者曰此色陰境  
耳非是本有我住此巖三十餘載除陰風雨雪夜  
夜經行此境但不著則不被他昧卻本有山深肯  
之作禮謝教一日山辭歸隱者把臂相送下山淚  
如噴珠入京向妙峰師述如上因緣汪司馬曰如

盤山志

卷之九

八

是則吾師住山已竟山曰猶是途路邊境界耳

明空字普照豐潤農家宋氏子值老僧教以脩淨土  
業久之有得遂薙髮建圓通菴居之道人念佛依  
附日衆旋為忌者所中繫獄三年事得白歸盤山  
卜居衛公庵未幾奄化

智朴普照大士行實碑記上人諱明空俗姓宋蘆  
州豐潤人也明正德十二年丁丑生稍長業農一  
日於田中值老僧授以念佛法門囑之曰但勿雜  
念即見道真自是致力不已久之有所得遂不娶

建圓通菴居之念四字彌陀漢人為善指示頗多  
至是依附者衆或以為不利於鄉詆譎因之而起  
至首之公府拘囹圄三載後聞於朝神宗命勘之明  
其無罪釋之賜清心二字札子一道聽其所止而  
休焉於是東歸盤山下居衛公庵未旬日而告寂  
時年五十有七其徒闡本師之教人多信從遐邇  
老稚輻輳子來不數年開拓宏敞鐘鼓梵唄之聲  
六時不輟居然畿東一名刹也其孫來平恐先祖  
行實久而湮沒不傳乞余作塔記勒石請至再余

盤山志

卷之九

九

不能辭爰即其言而序述之且係以銘曰山之青  
水之綠松之直棘之曲同拱衛窳堵波垂不朽此  
巘阿

如芳宇秘如宛平天橋人天啟丙寅春至盤山天城  
寺脩古佛舍利塔感多瑞應詳載張元芳天城寺

塔記

至明號無暗參徧融憨山達觀於言下各有所得習  
靜於盤山之五盆溝者十五年後出住淨業庵德  
行薰備參學者多所成就緣滿告衆說偈而逝



智朴無暗律師行實碑記余嘗論夫人之情有同處而不相遭有異地而相慕焉有同時而不願見有千百年後而徒思焉於無暗大師之人之德而深有感焉耳大師行實余以輯山志詰諸法侶詢諸耆舊頗得其梗概其孫元印乞塔銘於余余中心摇摇若有不同時之感故不獲以不文辭大師法名至明無暗其號也山西介休袁氏子生於某年月日出家千佛菴稟具五臺顯通寺初謁徧融大士次謁憨山大士山曰雖得多聞不成聖果乃

指麥達觀大士於三師言下各有所得天啟初入盤山五盆溝隱靜爾時魔魅甚夥師歷一十五年偶絕糧至第五日有神人見夢邦均王孝廉曰盤山五盆溝有脩行人絕糧是汝師也質明季廉見賣薪者問盤山五盆溝汝知之乎賣薪者曰知之然路險多魔魅孝廉俶裝直往寂無人聲扣門見師曰師絕糧耶曰何以知之孝廉以夢告因乞為弟子載拜乞師一言師曰平常心是道自是應孝廉請出住淨業庵闍毘尼演脩多羅教時值饑歲

人多依師求度師見即允許老稚剝落者幾千人  
庫無蓄租廚中供其常豐饒學侶之來請益者巧  
引曲喻必悟解而後已人望之若景星慶雲光風  
霽月焉此方願滿他土緣興於崇正十五年月日  
忽告衆曰吾不久行脚去矣衆未喻又越三日復  
謂門人演心曰吾去矣爾等為道自重門人乃悟  
倉猝哀請留末後向師曰幻身本無實真如本自  
然崑崙成粉碎生死不相關遂跣趺而化遺命塔  
全身於菴左側烏乎大師處於此十五年中空乏

坎凜至於絕糧五日不有神人見夢於孝廉卒至  
饑餓而死誰能知之余故重有所感焉而繫之以  
銘銘曰有大苾芻名曰至明行德兼備遐邇聞聲  
降靈河汾出世盤嶺自西自東歷魔佛境抑以宏  
法抑以利生憧憧惕惕其道大行乃仰乃瞻乃精  
乃銳於焉既從怛焉而逝圓宰堵波在此山阿水  
沅風動淨業彌陀康熙三十年辛未冬月日  
德意輓無暗大師詩白雲深處結精藍無限幽情  
祇自耽魔懾真風消幻障龍欽高蹈徙澄潭精操

不讓巖松古妙義猶如水月涵我欲詢師師已逝  
臨風空對薜蘿龕  
朗然寶坻人住林亭口之小菴根性愚鈍行止端方  
里人頗重之一日入盤山遇老僧授以念佛法門  
歸依教行之三年感內火自焚鍊身不壞若古銅  
鏗然有聲今供庵中

智朴詩禪者分衛歸備言邨中事有僧曰朗然根  
性之聰利心心憶佛名只提六箇字誓願見彌陀  
晝夜無遷次堅行三載週果滿從前志智火自內

盤山志

卷之九

十二

燔六根光明熾頂之煙皎消端嚴良可視是非堅  
密身畢竟難思議末世精進幢小子勉而識脚跟  
下未明光陰莫虛棄須自點檢看生死非兒戲

國朝

養心耀州陳氏子謁博山無異和尚苦行力參久之  
乃北上遊歷燕京諸梵刹隱顯莫測居無常所順  
治辛丑至盤山重興法藏寺

行乾字大博達州人姓胡氏母夢神人送子入懷因  
而有娠生時白光彌室甫五歲自稱和尚年十三

祝髮西聖寺後入都門愍忠寺登戒復南詢參萬  
如微公於龍池機契乃付衣拂命北上至盤山建  
正法禪院上堂呵呵大笑云人人上盤山求道  
在甚處箇箇向老僧覓佛佛在甚處復呵呵大笑  
云今日既上來老僧與伊設箇方便若要求道向  
邦均路上驀直去若要覓佛向自己頂顛上摸取  
去若向老僧者裡求覓終不能得復呵呵大笑又  
上堂云若論佛法無處不是只是伸手拈不著開  
口道不著動足踏不著只許無舌人論說無手人

拈提無足人履踐若也未會老僧更與你通箇消  
息卓拄杖下座又上堂云箇中一著最虛元今古  
寥寥不變遷佛祖界中藏不得拈來挂向碧巖前  
又上堂云言前薦得舉一明三句下承當拈頭作  
尾鐵草鞋一踏粉碎金剛圈觸著成灰直得百不  
減一不添貓兒睡狗子眠桑田變滄海滄海變桑  
田衲僧真祕訣千古許誰傳喝一喝又蔣虎臣太  
史請上堂云踏破從前一著不被聲色籠絡終朝  
蕩蕩悠悠長年灑灑落落搬運彌勒家私擺弄普

化鈴鐸鬧到日午三更師震聲一喝便下座僧問  
塵事茫茫如何識主師曰好牛不出欄僧曰出欄  
時如何師曰頭輕尾重居士問歷代祖師都在甚  
處師曰山南嶺北士曰為甚不出世師云築著磕  
著或問佛是大聖為甚不生中國師曰薄處先穿  
按師之垂手為人不知解所以聲動王臣名飛  
燕薊有語錄四卷見於世

董閻大博禪師語錄序秦漢以上窮道德之原者  
惟尚儒宗晉魏而後表心性之微者每歸佛氏佛

氏之教條目繁多而最勝最精無踰禪學蓋禪以  
泯智絕緣苦參力究廓然證悟如寐忽甦其境界  
自爾迥別徐視未悟之人談心論道雖極精明祇  
成寐語故其教人也或直指或曲喻或格外提持  
或就中轉變或無言而可以理通或有句而難以  
意解或時棒喝或時機用無非欲警夫酣夢之人  
歸於大覺此唐宋以來諸鴻儒往往翺翔其門而  
不舍寧無謂哉然究厥根源則始自拈花微笑以  
至達摩氏遊梁歷魏化行東土由是衣傳六代燈

演五宗五宗固各自樹立門庭而直捷雄偉無如  
臨濟初於鎮州建立黃檗宗旨有普化克符二人  
成就之化之師寶積首開盤山按諸法係濟之從  
祖也順治丁酉大博禪師匡徒領衆斬棘披荆重  
興寶積道場建立臨濟宗旨而師係濟派三十二  
世孫本師龍池微微師天童悟悟師幻有傳傳師  
笑巖於勝國萬歷中偕徒三五人隱居燕邸寥落  
無聞自得傳南邁續燄分燈兒孫遂盛行於江浙  
今師又自南而北恢宏祖道信矣佛法之隱顯亦

各有時也師之豎立法幢也實始於天津之地藏  
禪院末乃應貴人之請大開爐鞴於弘善者凡三  
載先後坐道場一十四處說法十有七年葉落歸  
根終隱盤山其密行圓機煅聖煉凡王公尊敬士  
庶歸依與夫興建叢林傳續法嗣并未後遷化光  
明赫奕種種自有別記惟是開堂之語錄尚未條  
貫門人超見等倣慶善之成規重為編集刪繁取  
要勒為四卷將以澤世余讀之喜曰此真所謂塗  
毒之鼓也返魂之香也無論緇之與素苟能留心

於斯朝研夕究默然契悟不獨臨濟之無位真人  
面目現在寶積之心月孤圓光吞萬象即吾儒脩  
道育德之方亦不外乎是矣

百忍山東人結茅法藏寺東偏鯁直少言笑日中作  
務惟勤夜則環山念佛康熙癸丑八月朔有樵子  
自菴門過乃名曰來爾將木榼置果樹下吾坐去  
矣樵子唯命遂跣趺榼上榼微小不能容趺乃命  
樵子以木段拄之怡然脫去樵子遽報隣菴僧曾  
五至望之如生依法火化收骨入本寺之普同塔

盤山志

卷之九

十六

正眼字法藏揚州人丁姓名自堅厭世無常去其家  
於港口極樂菴薙髮於五臺蘊真和尚處圓具一  
日呈所解蘊以偈示之曰佛藏無心處法緣正眼  
時色空兩不住獨露一真如師聞之愈加精進數  
月身心輕安不可言喻後入都門時大博和尚開  
百堂法通特往參承庚子上盤山住靜丙午付法更  
名超正丁巳住正法禪院上堂云大智離心識全  
機絕見聞金鑰容易辯煤墨最難分池隱魚吞月  
松藏鶴吐雲靈明元妙訣豁達便超羣超羣且止

祇如靈明妙訣作麼生會卓拄杖云一莖眉毛重  
九勛又上堂云道無男女豈有僧俗物物自然頭  
頭具足所謂一切法不生一切法不滅若能如是  
解諸佛常現前豎拂子云若將者箇喚作拂子則  
不見諸佛若將者箇喚作諸佛則不見拂子既是  
相傾相奪為甚又道箇不生不滅以拂子揮一揮  
云有相相中藏實相不空空裡顯真空喝一喝云  
寢語作麼其法語拈提例如此戊午九月

聖祖駕幸此院

盤山志

卷之九

十七

賜扁及詩為禪林榮遇後示疾坐脫塔於正法塔院之前

起見字了宗寶抵楊氏子母夢僧至其家云自南海  
來遂生師八歲業儒十五歲於諸篇章過目輒諳  
偶染疾父母以其前世僧也許出家病瘥於龍泉  
寺雜髮愍忠寺圓具聞天童雪竇二公名藉甚往  
謁之言下俱有得歸至都門時大博乾公開法盤  
山師不解包而至盤山博一見便問何處來師曰  
都中来博曰來為何事師曰親近和尚博曰將其  
麼親近師便唱博曰落在甚處師劈胸一拳博曰



是何意旨師曰知恩報恩博曰叅堂去即錄為弟子每入室叅請當機不讓後居盤山石窟中三載諸方聞之競請出山凡十坐道場如仁壽萬善放生等處居多洪益後復上盤山住古中盤上堂云盤山有一話頭徧滿四大部洲若將佛法商量猶是認影迷頭心外無法法外無心隨緣且度日到岍不迷津會麼一劈華山分兩路萬年流水不知春示衆云鐵樹開花磐石長藕虛空點頭佛殿倒走此四句中有一句有體有用有擒有縱向者裡

盤山志

卷之九

十八

縑素分明許汝參學事畢又示衆舉拂子云若識得者箇便知釋迦不在西天仲尼不居東魯不說趙州無不道雲門普象骨解鞞球禾山會打鼓從前絡索都丟卻斬新條令為君數九九八十一五九四十五會麼鼈鼻吞毒蛇大蟲齧殺虎康熙乙丑有信官卜公請至瀋陽闡法再歲於丁卯十月十七日示疾告衆曰廿三日大衆送老僧上盤山衆不會師意復說一偈住世七十有餘秋只把金圈作釣鈎願滿度生無別事佛宮魔國任優游至

廿三日復索筆書偈曰卻來游幻海箇中無變改  
欲識本來人遂擲筆而逝依法闍維其徒函骨歸  
葬盤山古中盤  
智朴字拙菴徐州人早參諸方隱匡廬東西二林間  
最後得法青龍百愚和尚寶洞宗第三十世康熙  
辛亥游盤山結茅青溝漸成巨剎能詩時有佳句  
聖祖臨幸青溝蘭若應制口占承

宸翰之賜山舊無志朴以數年之力隨地搜討又得諸名  
流助成之雖體例未備庶幾草創矣

盤山志

卷之九

十九

雲恒字法天平谷人於萬松寺剃度後居西甘澗不  
下山者六十餘年外朴訥而內朗徹隨機開示不  
妄棒喝脩白業者多敬仰之

李鎬法天禪師生塔銘并序法天禪師名雲恒又  
自號藏山漁陽平谷人九歲薙髮盤山萬松寺年  
二十餘脩白業於西甘澗遂不出山與盤相終始  
五十年彼之徒以為固不顧也師貌枯瘠訥語言  
此僧在山木彊而已然而妙性內明行之以真天  
獨童師而師乃童諸一切無容心焉性喜詩無事

即微吟藁成輒毀之世無得而傳者蓄琴一明處  
士李孔昭之遺也不甚工嘗撫之以寄意與廣坐  
中言笑無間默則睡相對無一奇而去輒令人思  
以故無忤於物而古處者樂與之接云人或問之  
曰師何以益人曰損之乎夫何益吁易所謂弗損  
益之之謂乎澗東有石屏師愛之為生藏其下同  
好者襄厥事而為之銘曰無身無患損盡身全藏  
真茲塿享彼大年物無成毀草木在山安所樂終  
乃完其天天不鑿師師完自然維屏之陽日月其

盤山志

卷之九

二十

便乾隆三年歲在戊午春王正月

道四人

元

邱處機字通密登州棲霞人年十九辭親學道師重  
陽真君王嚳重陽既逝乃游秦隴至元壬午元太  
祖自乃蠻遣使求之與語雪山之陽處機每言欲  
一天下必在於不嗜殺乃問為治之方則以敬天  
愛民為本問長生久視之道則以清心寡欲為要  
帝深然之至燕居長春宮丙戌其徒請至盤山建

醜棲雲觀其明年留頌而逝年八十詔贈號長春  
演道主教真人

姬翼雲山集云盤山紫蓋峰之下爽塏明秀號曰  
中盤時膺隆興崇奉道教棲霞長春真人應召來  
燕門下有栖雲子飛鳥擇地其徒張志格等搜及  
此山遂營卜築丙戌請長春真人建醮因題其額  
曰棲雲觀

王粹長春真人贊猗歟長者不可復得三朝推尊  
才學功德閱此兵戈遠涉西北九九乃終世人莫

盤山志

卷之九

二十一

測

王志謹從長春真人北游燕薊徜徉乎盤山西甘澗  
之石龕草衣木食若將終身焉籍貫未詳

姬翼字輔之高平人遇棲雲王真人執弟子禮賜名  
志真號知常子自是從游盤山所著詩文曰雲山  
集及周易直解道德經總章行於世

張志格亦志謹弟子籍貫未詳

張志格亦志謹弟子籍貫未詳

張志格亦志謹弟子籍貫未詳

